

সারাদেশ

টানা ৪০ দিন জামাতে নামাজ, পুরস্কৃত হলো ক্ষুদে নামাজিরা

প্রতিবেদক: কুষ্টিয়া প্রতিনিধি

প্রকাশের তারিখ: রোববার, ৩০ আগস্ট ২০২৬, ০৫:২৩ PM



কুষ্টিয়ার কুমারখালীতে টানা ৪০ দিন জামাতের সঙ্গে নামাজ আদায় করা ক্ষুদে নামাজিদের পুরস্কৃত করা হয়েছে।

রোববার (২৩ আগস্ট) কুমারখালী এমএন হাই স্কুল ঈদগাহ ময়দানে এমএন হাই স্কুল জামে মসজিদ কমিটির উদ্যোগে এ পুরস্কার বিতরণ অনুষ্ঠানের আয়োজন করা হয়।

এমএন হাই স্কুল জামে মসজিদ কমিটির সাধারণ সম্পাদক ও কুমারখালী সরকারি কলেজের ইসলামের ইতিহাস ও সংস্কৃতি বিভাগের প্রভাষক মো. এনামুল হকের সভাপতিত্বে অনুষ্ঠানে প্রধান অতিথি ছিলেন কুষ্টিয়া জেলা যুবদলের যুগ্ম আহ্বায়ক জাকারিয়া আনসার মিলন।

বিশেষ অতিথি ছিলেন মসজিদ কমিটির সহসভাপতি আবুল কাশেম, আবদুল সামাদ, সদস্য রিয়াদ ও আরজু। এ ছাড়া স্থানীয় মুসল্লি ও গণ্যমান্য ব্যক্তির অনুষ্ঠানে উপস্থিত ছিলেন।

অনুষ্ঠানে টানা ৪০ দিন জামাতের সঙ্গে নামাজ আদায়কারী শিশু-কিশোরদের মধ্যে নগদ ২০ হাজার টাকা, সাতটি স্কুলব্যাগ, ছয়টি ক্রেস্ট, ২৫টি তোয়ালে ও চারটি কোরআন শরিফ বিতরণ করা হয়। কর্মসূচিতে প্রথম স্থান অর্জনকারীকে একটি সাইকেলও পুরস্কার দেওয়া হয়।

আয়োজকেরা জানান, শিশু-কিশোরদের ছোটবেলা থেকেই নামাজের প্রতি আগ্রহী করে তোলা এবং মসজিদমুখী করার উদ্দেশ্যেই এ উদ্যোগ নেওয়া হয়েছে। এ ধরনের আয়োজন শিশুদের ধর্মীয় অনুশাসন মেনে চলতে উৎসাহিত করবে বলে মনে করেন তাঁরা।

এ বিভাগের আরও খবর



ফোন না ধরায় টিকিট কাউন্টারে গিয়ে মারধরের অভিযোগে যুবদল নেতার বিরুদ্ধে ব্রাহ্মণবাড়িয়া রেলওয়ে স্টেশনে তিতাস কমিউটার ট্রেনের টিকিট কাউন্টারে ঢুকে কর্মীদের মারধরের অভিযোগ উঠেছে এক যুবদল নেতার বিরুদ্ধে। মঙ্গলবার বেলা...



৩ হাজার বাড়ির পৌরসভায় দেড় হাজারই নষ্ট, অন্ধকারে নরসিংদীর যোড়াশাল শিপ্পাঙ্কল হিসেবে পরিচিত নরসিংদীর যোড়াশাল পৌর এলাকায় সন্ধ্যা নামলেই নেমে আসে অন্ধকার। দীর্ঘদিন ধরে অধিকাংশ সড়কবাতি নষ্ট হয়ে থাকায় প্রধান সড়ক...



সার্ভার হ্যাক করে এনআইডি-সিডিআরসহ গোপন তথ্য সরবরাহ, যুবক গ্রেপ্তার
নওগাঁর মান্দায়া নির্বাচন কমিশনের সার্ভারে সংরক্ষিত নাগরিকদের ব্যক্তিগত ও গোপন তথ্য সংগ্রহ করে আর্থের বিনিময়ে সরবরাহের অভিযোগে মো. আব্দুস সাদ্দা...



যৌতুকের জন্য গৃহবধুকে হত্যার অভিযোগ পরিবারের, গ্রেফতার দাবি
নীলফামারীতে যৌতুকের জন্য নাছরিন নাহার (৩৫) নামে এক গৃহবধুকে পরিকল্পিতভাবে হত্যা করা হয়েছে বলে অভিযোগ করেছে
তার পরিবার। এ ঘটনায় অভিভবদের ক্র...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/saradesh/tana-40-din-jamate-namaj-purskrit-hlo-kshude-namajira>